



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

5. Moysis matrimonium diuinis auspicijs ortum.

**urn:nbn:de:hbz:466:1-45686**

erilem alioqui formam secuturum, & proliferam matrem neglecturum; more multorum, qui in matrimonijs ineundis, formae sunt arbitri, proliis osiores. Docuit etiam Iacob, in diuersis uxoribus, unam, quam non cupiebat ductam, & alteram, cui inhiabat, subductam, verè illum locutum, qui *Mulierem morti similem esse*, dixit, propterea, quod fugientem sequantur, & sequentem atque vocantem fugiant.

Coniugium quartum est Iosephi Patriarchae, qui è carcere ad regem eductus, exposito illi, de septem vaccis spicisque, somnio, annulo, stola byssina, torque aereo ornatus & toti Aegypto praefectus est. Deditq; illi rex uxorem *Aseneth filiam Putiphare sacerdotis Heliopoleos*. Hunc Putipharem S. Chrysostomus dixerunt existimat à primo hero Iosephi ( qui eum in carcerem misit, ob adulterij crimen falsè impositum ) eò quòd hic sacerdos, ille princeps militiae; hic Heliopoli, ille Memphi in regia degere sit solitus. At D. Hieronymus tradit, eundem fuisse, cum primo hero, qui Putiphar est dictus. Quam sententiam si sequamur, mirabilis est dispositio DEI facientis, vt idem, qui iniuria Iosephum affecit, eundem filiae suae nuptijs honorare cogere, virginemque filiam acciperet Ioseph, qui matrem moecham repudiauit. Castissimus enim iuuenis meruerat, felici matrimonio, ostendere, nuptijs compensari victorias, quae ante nuptias reportantur; quemadmodum & alij infaultis plerumque coniugijs luunt, quod ante coniugia peccauerunt. Male disponit nuptias, qui ante illas vult esse coniux. Olim, Arnobio teste, uxores habebant Romani, atq; in coniugalia fœdera conditionibus veniebant ante quaesitis. *Vsu, farre, coemptione genialis lectuli sacramenta conducebant. Habebant speratas, habebant pactas, habebant interpositis stipulationibus sponsas.* Multis nunc libido est in apparatus. Scelere emunt coniuges: fornicatio illis est stipulatio. Hinc, quid mirum, si accipiunt in matrimonium adulteras futuras, quas ipsi, ante matrimonium, non castas esse docuerunt?

In quinti coniugij exemplum filiam itidem sacerdotis, in terra Madian, nactus est Moyses, suo vt videbatur, infortunio, ex Aegypto fugatus, cum eum ad necem quaereret Pharaos. Vi-

alby S f tauit

111. 1023

Caspar. Ess  
L. 2. Epidorp.

IV.

Gen. 41. 45.

Arnobius  
Aduers. Gent.  
lib. 4.

V.



Exod. 2. 16.

tauit exitium, inuenit coniugium. Et inuenit sua benignitas, dum defenderet feminas iniuriam passas. Erant Sacerdoti Madian septem filia, qua venerunt ad hauriendam aquam: & implentibus candelibus ad aquam cupiebant greges patris sui. Superuenerunt pastores, & eiecerunt eas: surrexitq; Moyses, & defensis puellis, ad aquam uisit oves earum. Quae, cum reuertissent ad Raguel patrem suum, dixit ad eas: Cur velocius venistis solito? Responderunt, vir Aegyptius, liberauit nos de manu pastorum: insuper hausit aquam nobiscum, potumq; dedit ouibus. At ille, Ubi est? inquit. Quare distulisti hominem? Vocate eum, ut comedat panem. Iurauit ergo Moyses, quod habitaret cum eo. Accepitq; Sephoram filiam eius uxorem. Tota series est à diuina bonitate. Vlscitur Moyses fratres Hebraeos, contra Aegyptium percutientem. Componit ipsorum inter sese Hebraeos rixantes. Mercedis loco, eadem audire debet exprobrari. Meruit Pharaonem. Fugit, incidit in puellas iniuriam patientes. Succurrit, & ianuam sibi aperit ad hospitium & matrimonium. Sic coniuges quaerendae sunt benefaciendo, non per lenones, non per copulatrices, non per fraudes, non per caedes & mortes procorum, ac riuulium. Quam multis generosa, in bellis, facta, aut defensi innocentes, aut pietas sua, bonique nominis existimatio è bis septem Iunonis nympharum vnquam conciliauit? Siquidem

VI.

Iosue. 15. 37.  
Iudic. 1. 12.

1. Reg. 18. 27.

Sexto multi fortiter pugnando uxores generosorum parentum meruerunt. Nam dixit Caleb: Qui percusserit Carath Sepher, & ceperit eam, dabo ei Axam filiam meam uxorem. Cepitq; eam Othoniel filius Cenez frater Caleb iunior: deditq; ei Axam filiam suam uxorem. Dauid quoque, ut Michol filiam Saul uxorem haberet, Philistijm debuit gladio percutere; & ut percuteret, Dominus erat cum eo. Ceterum, quod manu fortis obtinuerunt isti, id alijs vel morum modestia, vel educatio, vel ipsa erga Deum pietas, immo & parentum eleemosyna, & charitas impetrauit. Nota est historia de paupere Ruth, ethnicam Booz in sponsum acquirente; de Esther regi Assuero in manus conueniente. Sed ante omnia longissimam considerationem meretur Tobias & Sara, ad quorum coniugium multa diuinae prouidentiae argumenta confluxerunt. Tobias ab